

Akharipe vash apliciribe pe 17-to khidipe pe Europutne Konsilosko Dijalogo e Romane thaj Phirutnengere civilno societasar

Romane thaj Phirutnengere Historijako sikljovipe. Romane Holokausteso Ikeribe ani godzi, Prendzaribe thaj Edukacija

O 17-to Europutne Konsilosko khidipe vash Dijalogo e Romane thaj Phirutnengere civilno societasar ([Konceptoski nota](#)) khamela te ikerel pes ko **11-12 juni 2024 pe hibridno format, ano Strasbourg thaj online**, thaj ka fokusirinel pes upral Sikljovipe Romengi thaj Phirutnengi Historija thaj Ikeribe ani godzi e Romane Holokauste, Prendzaribe thaj Edukacija

E participantura ka:

- **Len bari sama** vash o prendzaribef thaj ikeribe ani godzi e Romane Holokauste ande Europutne Konsiloskere Thema membrura (egzemplo. Holokauste Memorijalno Divesa, memorijalno thana, siguripe thaj diseminacija kotar e vacharipa kodolendar so achile dzive, akcije te kerel pes prevencija thaj marel pes mamuj e Holokausteski distorcija thaj naprendzaribe)
- **Sikaven** thaj **ulaven** egzemplura kotar lache praktike phangle e Romane thaj Phirutnengere historijakerere sikljovipasar
- **Adresirinen** e sa majbare anticiganizmo, oleskere historikane darhija thaj historijako sikljovipaskiri rola ande maripe mamuj anticiganizmo
- **Diskutuin** e Europutne Konsiloskere standardon thaj instrumenton phangle e Romane thaj Phirutnengere historijakere sikljovipasar savo so shaj te promovirinel pes e civilno societakere organizacijendar an pengere Thema membrura
- **Diskutuin** vash "Kapaciteto e programosko thaj instrumentongo save azhutin e implementacija kotar Rekomandacij Rec CM/Rec (2020)2 vash inkluzija e Romane thaj/vaj Phirutnengere historija ande shkolakere kurikulumija thaj sikljovipaskere materijalura pe nacionalno nivelo"
- **Strategirinen** vash sikavibe thaj rekognicija/prendzaribe e Romane Holokauste so trubuj te ovel vazdime vash 80 bersha ko 2-to avgusto 2024
- **Diskutuin** vash o avutno Europutne Unijakoro/Europutne Konsilosko Khetanutno Programo "Jekhipa thaj slobodija diskriminacijatar vash e Roma: Roma Holokaust Ikeribe godzate thaj Edukacija (RomaMemory)" thaj te diskutuin vash shajutni sinergija e inicijativencar promovirime Khetanutne Programostar.

Selekcijakere kriteriumija vash Dijalokeskere participantura:

- Olengiri geografikani reprezentacija pe nacionalno thaj regionalno nivelura thaj trujal e Europutne Konsiloskere Thema membrura;
- Bersha thaj gender/mursha-dzuvla/ balanso;
- Eksperienca thaj ekspertiza pe sikljovipe Romengi thaj Phirutnengi historija thaj Holokaustesko Ikeribe ani godzi, keribe kurikulumija, sikljovipaskere materijalura, formalno thaj na-formalno sikljovipaskere trujalipa thaj treningura vash chavore pe sikljovipe thaj samako vazdipe;
- Akanutne vaj majpalune kontribucije vaj implementirime projektura ande umal katar e historijako sikljovipe thaj Holokaustesko ikeribe ani godzi;

- Particpacija ande procesija katar e reforme pe historijako kurikulumo, produkciya katar relevantno sikljovibaskere materijalura vash Romani thaj Phirutnengiri historija thaj Holokaustesko Ikeriba ani godzi, treningura thaj khidipena;
- Hemime ande relevantno treningo vash sichara thaj participacija pe vavereder evaluacije, sar vi ande rodjaripa thaj procesosko buhljaripa ande procesura katar kadala arejengi akcija;
- Shajipe te vakeren thaj skrinisaren pe majhari jekh oficijalno chib katar e chibja kotar e Europako Konsilo (Anglikani, Frensikani) vaj pe Romani chib;
- Personalno motivacija.

O akharipe si phutardo vash e **represzentantura katar e Romane thaj Phirutnengere civilno societakere** organizacije.

E interesirime kandidatura musaj te kompletirine e online aplikacijakere **dzi ko 22-to aprilo 2024, dopash rachi, Centralno Europakiri Vrama (CEV)**. E bikompletirime aplikacije vaj e aplikacije so ka resen pali kodi vrama naj te len pes ki sama.

[*Aplikacijaki forma pe Anglikani*](#)

[*Aplikacijaki forma pe Frensikani*](#)

[*Aplikacijaki forma pe Romani*](#)

Numa e suksesijale aplikantura ka oven informirime.

E notifikacije ka oven bichaldine dzi ko 6-to majo 2024.